


## XI. KORXONALAR VA TASHKILOTLAR FAOLIYATINING UMUMIY TA'RIFI

### Ro'yxatdan o'tgan korxona va tashkilotlar soni

(2024- yil 1- aprel holatiga ko'ra, birlikda)


(fermer va dehqon xo'jaliklaridan tashqari)



Mamlakatimizda qulay ish-bilarmonlik muhitini yaratish va tadbirkorlikni jadal rivojlantirish borasida qator ijobiy o'zgarishlar amalga oshirilmoqda. O'z o'rnida, tadbirkorlik subyektlarini davlat ro'yxatidan o'tkazish va hisobga qo'yish borasida ham qonunchilikda muhim qarorlar qabul qilinib, davlat ro'yxatidan o'tkazish va hisobga qo'yishni avtomatlashtirilgan tizimi bosqichma-bosqich ishlab chiqilib, amaliyotga tatbiq qilinmoqda. Bu esa, aholi hamda xorijiy investorlarning o'z shaxsiy biznesini yo'lga qo'yish va rivojlantirish uchun muhim omil bo'lib xizmat qilmoqda.

### Ro'yxatdan o'tgan va faoliyat ko'rsatayotgan korxona va tashkilotlar soni


(2024- yil 1- aprel holatiga ko'ra, birlikda)



## Tadbirkorlik subyektlarining tashkiliy-huquqiy shakli bo'yicha umumiy ma'lumot (2024- yil 1- aprel holatiga ko'ra, birlikda)

### Tadbirkorlik subyektlari soni


### Tadbirkorlik subyektlarining jamiga nisbatan ulushi



Tashkiliy-huquqiy shakl deganda, subyekt tomonidan mulkning biriktirilishi, shakllantirilishi va undan foydalanish usuli hamda uning bundan kelib chiquvchi huquqiy holati va faoliyat maqsadi tushuniladi. Shuningdek, quyidagilar bilan bog'liq masalalarni hal qilishda foydalaniladi:


- xo'jalik yurituvchi subyektlar to'g'risidagi ma'lumotlarni o'z ichiga olgan registr, reyestr va kadastrlarning axborot resurslarini shakllantirish;
- tashkiliy-huquqiy shakllar doirasida statistika ma'lumotlarini ishlab chiqish;
- idoralararo axborot almashinishini ta'minlash;
- ijtimoiy-iqtisodiy jarayonlarni va hodisalarni tahlil qilish va prognozlashtirish.

## Faoliyat ko'rsatayotgan korxona va tashkilotlar soni (iqtisodiy faoliyat turlari bo'yicha 1- aprel holatiga ko'ra, birlikda)



## Yangi tashkil etilgan korxona va tashkilotlar soni (iqtisodiy faoliyat turlari bo'yicha, yanvar-mart oylarida)


birlikda





## Qishloq, o'rmon va baliqchilik xo'jaligida faoliyat ko'rsatayotgan korxona va tashkilotlar (1- aprel holatiga ko'ra, birlikda)




Jami faoliyat ko'rsatayotgan korxona va tashkilotlarning umumiy soni o'tgan  
yilning shu davriga nisbatan **65,5** foizni tashkil etdi



■ Kichik tadbirkorlik subyektlari ■ Mikrofirmalar ■ Kichik korxonalar



■ Dehqonchilik, chorvachilik, ovchilik va bu sohalarda xizmat ko'rsatish  
■ O'rmon xo'jaligi  
■ Baliqchilik xo'jaligi




*Korxonalar va tashkilotlar  
faoliyatining umumiy ta'rifi*

## Sanoat sohasida faoliyat ko'rsatayotgan korxona va tashkilotlar soni


(2024- yil 1- aprel holatiga ko'ra, birlikda)



Jami faoliyat  
ko'rsatayotgan sanoat  
korxona va tashkilotlarning  
umumiy soni o'tgan yilning  
shu davriga nisbatan **65,6**  
foizni tashkil etdi



■ Kichik tadbirkorlik subyektlari ■ Mikrofirmalar ■ Kichik korxonalar



2621



Tog'-kon sanoati va ochiq  
konlarni ishlash

2 907



Ishlab chiqarish sanoati

30



Elektr, gaz, bug' bilan  
ta'minlash va havoni  
konditsiyalash

42



Suv bilan ta'minlash,  
kanalizatsiya tizimi,  
chiqindilarni yig'ish va  
utilizatsiya qilish


2024- yil 1- aprel holatiga ko'ra, sanoat korxonalari va tashkilotlari soni 3 241 tani tashkil etib, o'tgan yilning mos davriga nisbatan 65,6 % ni tashkil etdi.

Jami sanoat korxonalari va tashkilotlari ko'payishining asosiy omili (o'tgan yilning mos davriga nisbatan), ishlab chiqarish (qayta ishlash) sanoatida 63,6 % ni (jami sanoatdagi ulushi 89,7 %), suv bilan ta'minlash, kanalizatsiya tizimi, chiqindilarni utilizatsiya qilishning 63,6 % ni (jami sanoatdagi ulushi 1,3 %) tashkil etib, elektr, gaz, bug' bilan ta'minlash va havoni konditsiyalash 100,0 % ni (jami sanoatdagi ulushi 0,9 %) va tog'-kon sanoati va ochiq konlarni ishlash sanoati o'tgan yilning mos davriga nisbatan 96,0 % ni (jami sanoatdagi ulushi 8,1 %) tashkil etdi.




## Qurilish faoliyati bilan shug'ullanayotgan korxona va tashkilotlar soni


(2024- yil 1- aprel holatiga ko'ra, birlikda)




### Kichik tadbirkorlik subyektlari soni



### Mikrofimlar




### Kichik korxonalar




Mamlakatimizda qurilish sanoati iqtisodiyotning ustuvor tarmog'i sifatida belgilangan. Qurilish sanoatining yo'nalishlari bo'yicha o'tkazilgan tahlil shuni ko'rsatdiki:

- binolar va inshootlar qurish yo'nalishi 61,3 foiz ulushni tashkil etib, o'sish sur'ati o'tgan yilning mos davriga nisbatan 73,7 foizni tashkil etadi;
- fuqarolik obyektlarini qurish yo'nalishi 18,1 foiz ulushni tashkil etib, o'sish sur'ati o'tgan yilning mos davriga nisbatan 112,3 foizga oshgan;
- ixtisoslashtirilgan qurilish ishlari yo'nalishi 20,6 foiz ulushni va 69,8 foizni tashkil etadi.




## Savdo sohasida faoliyat ko'rsatayotgan korxona va tashkilotlar soni


(2024- yil 1- aprel holatiga ko'ra, birlikda)




### Kichik tadbirkorlik subyektlari soni



### Mikrofimlar



### Kichik korxonalar



Tahlillar shuni ko'rsatdiki, viloyatda faoliyat ko'rsatayotgan har uchinchi korxona savdo sohasida faoliyat yuritadi, ularning 99,7 foizi yoki 9 943 tasi kichik biznes subyektlariga to'g'ri keladi.

Savdo sohasining yo'nalishlar bo'yicha taqsimoti quyidagicha:


- avtomobil va mototsikllar savdosidan tashqari chakana savdo yo'nalishi 68,6 foiz ulushni tashkil etgan bo'lib, 2023- yilning mos davri bilan solishtirilganda o'sish sur'ati 84,2 foizni tashkil etdi;
- avtomobil va mototsikllar savdosidan tashqari ulgurji savdo yo'nalishida 23,1 foiz ulushni tashkil etib, o'sish sur'ati 107,7 foizni tashkil etdi;
- avtomobil va mototsikllarning ulgurji va chakana savdosi va ularni ta'mirlash yo'nalishida 8,3 foiz ulushni tashkil etib, o'sish sur'ati 90,6 foizni tashkil etdi.



## Sog'liqni saqlash va ijtimoiy xizmatlar sohasida faoliyat

### ko'rsatayotgan korxona va tashkilotlar soni


(2024- yil 1- aprel holatiga ko'ra, birlikda)



### Kichik tadbirkorlik subyektlari soni

### Mikrofimlar

### Kichik korxonalar



Sog'liqni saqlash va ijtimoiy xizmatlar sohasida faoliyat ko'rsatayotgan jami korxona va tashkilotlarning salmoqli qismi – 651 ta yoki 82,7 foiz ulushi tadbirkorlik subyektlari hissasiga to'g'ri kelgan.

Yo'nalishlar bo'yicha tahlil shuni ko'rsatdiki:


96,2 foiz korxonalar sog'liqni saqlash yo'nalishiga to'g'ri kelib, o'sish sur'ati 2023- yilning mos davriga nisbatan 97,4 foizni tashkil etdi;

Yashash uchun joy bilan ta'minlangan holda parvarishlash yo'nalishidagi korxonalar soni 2,3 foizni tashkil etib, o'sish sur'ati 94,7 foizni tashkil etdi;

Yashash uchun joy bilan ta'minlanmagan holda ijtimoiy xizmatlar ko'rsatish yo'nalishidagi korxonalar soni ushbu sohaning 1,5 foizini tashkil etib, o'sish sur'ati 66,7 foizni tashkil etdi;




## Yashash va ovqatlanish bo'yicha xizmatlar sohasida faoliyat ko'rsatayotgan korxona va tashkilotlar soni (2024- yil 1- aprel holatiga ko'ra, birlikda)



### Kichik tadbirkorlik subyektlari soni

### Mikrofimlar

### Kichik korxonalar



2024- yil 1- aprel holatiga ko'ra, yashash va ovqatlanish bo'yicha xizmatlar sohasida faoliyat ko'rsatayotgan korxonalar o'sish sur'ati 2020- yilning mos davriga nisbatan 132,8 foizni tashkil etdi. Ushbu xizmatlar sohasi tahlili shuni ko'rsatdiki:

- mehmonxonalar, turistik oromgohlar, dam olish va ko'ngilochar parklar yashash bo'yicha xizmatlar yo'nalishining asosiy faoliyati hisoblanib, 2024- yil 1-aprel holatiga ko'ra, yashash va ovqatlanish bo'yicha xizmatlar sohasida faoliyat ko'rsatayotgan korxona va tashkilotlarning 8,7 foiz ulushini tashkil etdi;

- restoran va buyurtma bo'yicha oziq-ovqat va ovqat mahsulotlarini yetkazish, oziq-ovqat va ichimliklar yetkazish bo'yicha xizmatlar yo'nalishining asosi hisoblanib, yashash va ovqatlanish bo'yicha xizmatlar sohasining 91,3 foiz ulushini tashkil etdi.




**138**  
yashash bo'yicha  
xizmatlar




**1 440**  
oziq-ovqat  
mahsulotlari va  
ichimliklar yetkazish  
bo'yicha xizmatlar

## Kichik tadbirkorlik subyektlari soni (2024- yil 1- aprel holatiga ko'ra, birlikda)



## Faoliyat ko'rsatayotgan kichik korxona va mikrofirmalar soni (iqtisodiy faoliyat turlari bo'yicha 1- aprel holatiga ko'ra, birlikda)



## Faoliyat ko'rsatayotgan mas'uliyati cheklangan jamiyatlar to'g'risida ma'lumot (2024- yil 1- aprel holatiga ko'ra, birlikda)

**Mas'uliyati cheklangan jamiyati** – bir yoki bir necha shaxs tomonidan ta'sis etilgan, ustav fondi (ustav kapitali) ta'sis hujjatlari bilan belgilangan miqdorda ulushlarga bo'lingan xo'jalik jamiyati hisoblanadi. Mas'uliyati cheklangan jamiyatning ishtirokchilari uning majburiyatlari bo'yicha javobgar bo'lmaydilar va jamiyat faoliyati bilan bog'liq zararlar uchun o'zlari qo'shgan hissalar qiymati doirasida javobgar bo'ladilar. Mas'uliyati cheklangan jamiyatning o'z hissasini to'la qo'shmagan ishtirokchilari, jamiyat majburiyatlari bo'yicha har bir ishtirokchi hissasining to'lanmagan qismi qiymati doirasida solidar javobgar bo'ladilar.

### Iqtisodiy faoliyat turlari kesimida



Qishloq, o'rmon va baliqchilik xo'jaligi



Sanoat



Qurilish



Savdo



Tashish va saqlash



Yashash va ovqatlanish



Axborot va aloqa



Sog'liqni saqlash va  
ijtimoiy xizmat ko'rsatish



Boshqa turlar

2024- yil 1- aprel holatiga ko'ra faoliyat ko'rsatayotgan 26 035 ta tijorat korxona va tashkilotlarining 15 427 tasi mas'uliyati cheklangan jamiyatlar ulushiga to'g'ri keladi. Mazkur jamiyatlar mamlakatimizda tadbirkorlik faoliyatining eng keng tarqalgan shakli hisoblanadi.


Sohalar kesimida o'sish sur'atlarining tahlili shuni ko'rsatdiki, eng yuqori ko'rsatkich savdoda – 36,1 foiz, qishloq, o'rmon va baliqchilik xo'jaligida – 21,6 foiz, qurilish – 10,8 foiz, sanoat – 10,1 foizni tashkil etdi.

## Faoliyat ko'rsatayotgan xususiy korxonalar to'g'risida ma'lumotlar 2024- yil 1- aprel holatiga ko'ra, birlikda

**Xususiy korxona** – mulkdor yagona jismoniy shaxs tomonidan tuzilgan va boshqariladigan tijoratchi tashkilot deb e'tirof etiladi. Xususiy korxona tadbirkorlik subyektlarining tashkiliy-huquqiy shaklidir.

Xususiy korxona o'z mulkida alohida mol-mulkka ega bo'ladi, o'z nomidan mulkiy va shaxsiy nomulkiy huquqlarga ega bo'lishi hamda ularni amalga oshirishi, majburiyatlarni bajarishi, suda da'vogar va javobgar bo'lishi mumkin.


### Iqtisodiy faoliyat turlari kesimida



## Faoliyat ko'rsatayotgan oilaviy korxonalar to'g'risida ma'lumotlar 2024- yil 1- aprel holatiga ko'ra, birlikda


Yuridik shaxs sifatida davlat ro'yxatidan o'tib, faoliyat ko'rsatayotgan oilaviy korxonalar soni 2024- yil 1- aprel holatiga ko'ra 3 277 etdi.

### Iqtisodiy faoliyat turlari kesimida



## Faoliyat ko'rsatayotgan xorijiy kapital ishtirokidagi korxona va tashkilotlar to'g'risida ma'lumot

(2024- yil 1- aprel holatiga ko'ra, birlikda)



Ro'yxatdan o'tgan xorijiy kapital ishtirokidagi korxona va tashkilotlar soni 2024- yil 1- aprel holatiga ko'ra 276 tani tashkil etib, ulardan 151 tasi yoki 54,7 % faoliyat ko'rsatmoqda.

Bu ko'rsatkich o'tgan yilning shu davriga nisbatan olganda 20 taga yoki 7,8 % ga oshganligini ko'rish mumkin.

2024- yilning yanvar-mart oylarida viloyatimizda 10 ta xorijiy kapital ishtirokidagi korxona va tashkilotlar yangi tashkil etildi.

## Iqtisodiy faoliyat turlari



Qishloq, o'rmon va baliqchilik xo'jaligi




Sanoat



Qurilish



Tashish va saqlash



Yashash va ovqatlanish



Savdo



Sog'liqni saqlash va  
Ijtimoiy xizmat ko'rsatish




Boshqa turlar



## Tumanlar kesimida faoliyat ko'rsatayotgan xorijiy kapital ishtirokidagi korxona va tashkilotlar soni


(2024- yil 1- aprel holatiga ko'ra, birlikda)



**Hududlar kesimida xorijiy kapital ishtirokidagi  
faoliyat ko'rsatayotgan korxonalar soni**  
(2024- yil 1- aprel holatiga ko'ra, birlikda)

	Jami	shundan:	
		Qo'shma korxona	Xorijiy korxona
<b>Qashqadaryo viloyati</b>	<b>151</b>	<b>90</b>	<b>61</b>
<b>G'uzor</b>	11	6	5
<b>Dehqonobod</b>	10	7	3
<b>Qamashi</b>	5	3	2
<b>Qarshi</b>	6	3	3
<b>Koson</b>	7	6	1
<b>Kitob</b>	9	6	3
<b>Mirishkor</b>	8	4	4
<b>Muborak</b>	16	5	11
<b>Nishon</b>	8	5	3
<b>Kasbi</b>	6	1	5
<b>Ko'kdala</b>	3	1	2
<b>Chiroqchi</b>	7	6	1
<b>Shahrisabz</b>	5	2	3
<b>Yakkabog'</b>	8	6	2
<b>Qarshi sh.</b>	40	28	12
<b>Shahrisabz sh.</b>	2	1	1

**Davlatlar kesimida faoliyat ko'rsatayotgan xorijiy kapital  
ishtirokidagi korxonalar to'g'risida ma'lumot  
2024- yil 1- aprel holatiga ko'ra, birlikda**



Yetakchi o'rinni 33 ta korxonada to'liq yoki qisman ulushi mavjud bo'lgan Xitoy Xalq Respublikasi egallagan. Bu viloyatda xorijiy kapital ishtirokida faoliyat ko'rsatayotgan korxonalar umumiy sonining 21,9 foiz ulushini tashkil etadi. Shuningdek, O'zbekiston iqtisodiyotiga o'z kapitalini kiritayotgan Rossiya Federatsiyasi (ulushi 15,9 foiz), Afg'oniston (ulushi 9,9 foiz), Turkiya Respublikasi (ulushi 9,9 foiz) va Janubiy Koreya (ulushi 4,6 foiz) davlatlari ham yetakchilar hisoblanishadi.

## **Statistik ko'rsatkichlarga izohlar**

**Korxonalar va tashkilotlarning yagona davlat registri** – real vaqt rejimida yangilab boriladigan ma'lumotlardan iborat bo'lgan axborot-ma'lumotnoma tusidagi avtomatlashtirilgan tizim hisoblanib, yagona klassifikatsiyalar tizimi asosida korxonalar va tashkilotlarning davlat hisobini va ularni identifikatsiyalashtirishni ta'minlaydi.

**Ro'yxatga olingan korxona va tashkilotlar** – ro'yxatdan o'tkazish organlari tomonidan belgilangan tartibda davlat ro'yxatidan o'tkazilgan hamda yuridik shaxslarning davlat reestrda mavjud bo'lgan yuridik shaxslardir (faoliyati tugatilgan yuridik shaxslardan tashqari).

**Faoliyat ko'rsatayotgan korxona va tashkilotlar** – ro'yxatdan o'tkazish organlari tomonidan belgilangan tartibda davlat ro'yxatidan o'tkazilgan hamda davlat statistika organlariga moliya-xo'jalik faoliyatini amalga oshirmayotganligi yoki tugatish jarayonida ekanligi to'g'risidagi ma'lumot kelib tushmagan yuridik shaxslardir.

**Yangi tashkil etilgan korxona va tashkilotlar** – ro'yxatdan o'tkazish organlari tomonidan belgilangan tartibda, yuridik shaxslarning davlat reestriga yangidan kiritilgan yuridik shaxslardir.

**Kichik korxona va mikrofirmalar** – O'zbekiston Respublikasi Vazirlar Mahkamasining 2016- yil 24- avgustdagi "Iqtisodiy faoliyat turlarini tasniflashning xalqaro tizimiga o'tish chora-tadbirlari to'g'risida" 275- son qarorining 1- ilovasiga muvofiq, kichik tadbirkorlik subyektlariga ajratiladi.